

ՎԻՐԱՎՃՈՑ ԹԵՄԻ ԱՌԱՋՆՈՐԴԻ ԱՆԴՐԱՆԻԿ ԱՅՅԵԼՈՒԹՅՈՒՆԸ ՎՐԱՍՏԱՆԻ ՆԱԽԱԳԱՀԻՆ

Ապրիլի 4-ին Վիրահայոց թեմի առաջնորդ Ս. Վազգեն վրդ. Միրզախանյանը, թեմի գործերի կառավարիչ Աշոտ Նաջարյանը և Վրաստանում Հայաստանի Հանրապետության արտակարգ և լիազոր դեսպան պարոն Գեորգի Խոսրոնը այցելեցին Վրաստանի նախագահ պարոն Էդուարդ Շևարդնաձեին:

Հանդիպման ընթացքում պարոն Շևարդնաձեն նշեց, որ րեդյակ է Վիրահայոց թեմում ծավալված աշխատանքների մասին և ուրախ, որ Վիրահայոց թեմը սերտորեն համագործակցում է Վրաց Եկեղեցու հետ: Նախագահը վստահություն հայտնեց, որ հոգեշնորհ առաջնորդն այսուհետև ևս կշարունակի իր արգասաբեր առաքելությունը. «Նուրախություն մեզ՝ վրաց և հայ ժողովուրդների բարեկամությունը շարունակվում է: Նուսով ենք, որ մեր ապագա սերունդները ևս կշարունակեն այս բարի ավանդույթը, քանզի մեր հարաբերություններն ընթանալու այլ ճանապարհ չունեն»:

Պարոն նախագահը րեդեկացրեց նաև, որ Վրաստանի խորհրդարանը մինչ այս րարվա ավարտ պարրաստվում է ընդունել կրոնի ազատության մասին օրենք, որն իրավաբանորեն կկարգավորի Եկեղեցի և պետություն հարաբերությունները:

Հոգեշնորհ Ս. Վազգեն վարդապետ Միրզախանյանը, ի հավաստումն պարոն նախագահի խոսքերի, շեշտադրեց, որ Վիրահայոց թեմը հնարավորն ի գործ կդնի՝ վրաց և հայ ժողովուրդների բարեկամության ամրապնդման և Վրաստանի պետության բարգավաճման համար:

Ի հիշարակ Վրաստանի նախագահի հետ առաջին հանդիպման՝ Վիրահայոց թեմի առաջնորդը մի սրբանկար նվիրեց Էդուարդ Շևարդնաձեին:

Հանդիպումն անցավ ջերմ և բարեկամական մթնոլորտում:

ՎԻՐԱՎՃՈՑ ԹԵՄԻ
ՄԱՍԼՈ ԴԻՎԱՆ